

天一閣藏明代方志選刊

天一閣藏明代方志選刊

儀真縣志

隆慶儀真縣志（江蘇省）

嘉靖寶應縣志略（江蘇省）

隆慶儀真縣志

一九六三年六月上海古籍
書店據寧波天一閣藏明隆
慶刻本景印原書版框高二
〇·五公分寬一四·二公分

儀真縣志叙

余嘗歷覽載記誦說古人見漢史
稱循良吏輒三復焉曰嗟嗟縣令
誠親民之官也士結綬剖符語得
行志而樹不朽必曰縣令云昆陽
申侯治真之三年政通人和百廢

俱興乃惟邑志闡軼遂用葺而成
之殺青既脫介以問序於余余不
文蓋嘗部使真州稔知侯之善而
樂觀厥成者也叙曰郡縣視古侯
國古者列國皆有史今志即其遺
意也真在前代為軍為州沿革靡

常邑置自我

朝始畫一焉

成祖文皇帝建都燕薊

國家財賦仰給東南遂罷海運疏會

通河而真據東南上游當水陸之

要衝楚蜀閩廣吳越諸路朝覲貢

賦胥必由之舟楫輿馬相絡繹若
鱗次然重以比年島夷肆毒民弗
堪命有司者日程辦於簿領奔突
於邊迎猶弗給也況於所謂稽圖
牒輯藝文辨志以飾治又容有餘
力哉自侯之蒞真也首崇儉素約

已褪身其節省民力不啻十九吏
治已得其閑鉅者乃又懾頑藉溥
興禮釐俗蒐吏慝拯民瘼積弊叢
奸剗刷殆盡而小大之獄尤能答
之以情是以條章振飾蠹蠹消劫
惠流政戢而邑稱大治余嘗與侯

揚摧治源則竊歎曰休哉侯之政也其俎豆茲土乎漢史稱循良吏不知其作焉與侯孰優哉余所謂親民而得行其志者非歟若圖志之輯特其餘者耳傳曰古之君子以其大者裨身以其餘者及天下

侯之謂也真州故有志大率贍而
寘要譌而易數侯固究心乃政事
之暇肆力編摩復以謀諸鄉先生
李君陳君暨博士弟子員刪繁揭
要以示有永而諸君相與探覈研
摘具合竅格不數月遂成偉典焉

自今觀之志卷一十有四首疆域
終藝文颯颯乎文而不浮質而不
俚褻然為一方文獻不獨生色山
川騰輝分紀焉爾已是故徑延緯
表疆理并分縵名核實人官鏡辨
省農詰兵元神攸壯采風問俗幽

隱畢融省賦寬徭艱難弘濟陳藝
真教物采彌彰乃知侯之爲志殆
良工苦心哉蓋其視斯民疾痛真
若惘瘝厭身所以調劑而保全之
者無所不盡其極以故即諸已試
之方衍而附之于志以寄其惠於

無窮遂矣哉侯之用心乎後之君
子覽輿地形勝則思保障封守之
要焉感財貨豐歉則思樽節愛養
之道焉觀民風淳漓則思轉移化
導之方焉君子謂侯是舉也者二
善焉可以信今可以傳後信今智

也傳後仁也風天下之道具是矣
此之謂不朽余故特為書之用以
告諸來者

隆慶改元丁卯秋九月既望

賜進士出身奉政大夫南京工部虞
衡清吏司郎中蜀郡邊維垣謨

